



Broj, 01-07-10-51-161/2024
Sarajevo, 27.6.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Alena Lukača, [REDACTED], od 12.6.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se zahtjev za pristup informacijama, kako slijedi:

- prosječnoj ocjeni sudija općinskih i osnovnih sudova, te Osnovnog suda Brčko distrikta Bosne i Hercegovine u 2023. godini;
- prosječnoj ocjeni tužilaca kantonalnih i okružnih tužilaštava, te Tužilaštva Brčko distrikta Bosne i Hercegovine u 2023. godini;
- broju tužilaca imenovanih na pozicije sudija po konkursima provedenim u 2023. godini.

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 17.5.2024. godine zaprimilo zahtjev Alena Lukača, [REDACTED] (u daljem tekstu: podnositelj zahtjeva), za pristup informacijama u vezi sa ocjenjivanjem sudija i tužilaca u 2023. godini te imenovanjem tužilaca na pozicije sudija u 2023. godini. Konkretno, tražen je podatak koja je prosječna ocjena sudija zaposlenih u općinskim i osnovnim sudovima, sudija zaposlenih u Osnovnom sudu Brčko distrikta Bosne i Hercegovine, tužilaca zaposlenih u kantonalnim i okružnim tužilaštvima, te tužilaca zaposlenih u Tužilaštvu Brčko distrikta Bosne i Hercegovine. Također, tražena je informacija o broju tužilaca imenovanih na pozicije sudija na konkursima provedenim od strane VSTV-a BiH u 2023. godini.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine ("Službeni glasnik BiH" 61/23; dalje u tekstu: Zakon).

Uvidom u službenu dokumentaciju, u odnosu na tačku a) izreke rješenja, utvrđeno je da je prosječna ocjena sudija općinskih sudova za 2023. godinu 4,3, prosječna ocjena sudija osnovnih sudova za 2023. godinu 3,9 te je prosječna ocjena sudija Osnovnog suda Brčko Distrikta za 2023. godinu 3,6.

U odnosu na tačku b) izreke rješenja, utvrđeno je da je prosječna ocjena tužilaca kantonalnih tužilaštava za 2023. godinu 4,5, prosječna ocjena tužilaca okružnih javnih tužilaštava za 2023. godinu 4,3, te je prosječna ocjena tužilaca Tužilaštva Brčko Distrikta za 2023. godinu 4,2.


U odnosu na tačku c) izreke rješenja, uvidom u službenu dokumentaciju utvrđeno je da je u 2023. godini deset (10) tužilaca imenovano na pozicije sudija po konkursnim procedurama provedenim u toj godini.

Postupajući po zahtjevu podnosioca, a u skladu sa svim gore navedenim, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositelj zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog, a može se izjaviti i na zapisnik kod VSTV-a BiH. Žalba se podnosi putem VSTV-a BiH, a na istu se shodno odredbama Zakona o administrativnim taksama („Službeni glasnik BiH“, br. 16/02, 19/02, 43/04, 8/06, 76/06, 76/07 i 98/12), plaća taksa u iznosu od 10 KM, po tarifnom broju 2. Tarife administrativnih taksi.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositelj žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnosiocu zahtjeva
2. Odjelu za pravosudnu analitiku i izvještavanje
3. Odjelu za imenovanje i napredovanje nosilaca pravosudnih funkcija
4. U spis